



14. marts 2012

Inatsisartut suleriaasianni § 37, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut:

- 1. Sinerissamut qanittumi aalisartut ESU pulje-mik assingusumik pilersitsiniarneq sumut killinnersoq? suliallu ersarissarneqarnissaa Naalakkersuisunut kissaatigaarput.**
- 2. Aalisartutoqarsuit 60-sinik qaqsilaarsimasut, sulilu ukiorpassuarni aalisartutut piniartutullu inuussutissarsiorusutut, inuussutissarsiutigalugu umiatsiaarartaarnissamut sooq piffiit ilaanni mattunneqarpat?**

(Inatsisartuni ilaasortat, Siverth K. Heilmann, Knud Kristiansen, Atassut)

Tungavilersuut:

Ilisimaneqartutuut ukiarmi aalisarnermut inatsisissap oqallisigineqarneranut atasumik, Atassut-miit ilungersuutigaarput, sinerissami qanittumi aalisartut qaleralinniartuunngitsut raajarniartuunngitsullu aalisariutitaarnissamut, atortuutinik pisaarniarnermi nutarterinermiluunniit, Naalakkersuisut aningaasaliiffiginnissin-naasunik isumalluutigisaanniik aningaasaliiffiginiarneqanngilluinnartut paasisimavarput. taamaattumik Atassut-ip ukiarmi inatsisartuni saqqumiussuutavut pillugit Naalakkersuisunut qanillattuutaasumik oqariartuutigisartagaat sumut killippat?

Inuussutissarsiutitta pingaarnersaanni aalisarnerup iluani ukiorpassuit aalisartutut piniartutullu inuussutissarsiuteqartut arlaqartut tusartaannarpagut, inuussutissarsiutigalugu umiatsiaaqqanik akuerisaasunillu qinnuteqarnermi, utoqqalilerneq 60-sit miss. ukioqalersimappata itikkaatinneqartarsimasut ilisimatinneqartarpugut. Massa

utoqqalinersiaqartitaanermut ukioritinneqartartut 65-inut qaffanneqarnikuugaluartut sulilu ukiorpassuarni inuuniutiminnik ingerlaqqikkusukkaluartut itikkaatittuaannassanerpagut. Assaat sulisinnaasut pisariaqartinneqaleriartuinnarneri utoqqalisarnerullu qaffariartuinnarneranut piumassuseqartut tapersorsorneqannginneri imminut ataqatigiinngitsutut isumaqarfiginarpoq, tamannalu Naalackersuisuniik qanoq aaqqiiviginiarneqarpa?